

U skladu sa odredbama članova 12. i 14. Zakona o udruženjima i fondacijama Bosne i Hercegovine ("Službeni glasnik FBiH", br.45/01) Osnivačka skupština Udruženja **"Vijeće roditelja Kantona Sarajevo"** na sjednici održanoj dana 21.12.2011. godine u Sarajevu, u s v o j i l a j e

STATUT UDRUŽENJA

"VIJEĆE RODITELJA KANTONA SARAJEVO"

Ovim statutom uređuju se naziv i sjedište Udruženja, ciljevi i djelatnost Udruženja, zastupanje i predstavljanje Udruženja, organi Udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalificiranom većinom, funkcija lica ovlaštenog da saziva Skupštinu, oblik i sadržaj pečata Udruženja, način stjecanja i raspolaganja imovinom, način donošenja finansijskog izvještaja i izvještaja o radu, postupak za donošenje Statuta, izmjene i dopune Statuta i drugih općih akata udruženja, uslovi i način učlanjenja, prestanak članstva, kao i prava, dužnosti i odgovornost članova Udruženja, uslovi i postupak za pripajanje, razdvajanje, transformaciju ili prestanak rada Udruženja, pravila za raspodjelu preostale imovine u slučaju prestanka rada Udruženja i druga pitanja od značaja za ciljeve i djelatnost Udruženja.

Član 1.

Naziv i sjedište

Naziv Udruženja je: **"VIJEĆE RODITELJA KANTONA SARAJEVO"**, Udruženje ima sjedište u Sarajevu, Ulica Terezije 48, OŠ „Vladislav Skarić“, 71000 Sarajevo.

Član 2.

Ciljevi

Udruženje **"VUEĆE RODITELJA KANTONA SARAJEVO"** je nestranačko, nevladino i neprofitno udruženje čiji je cilj da kroz saradnju sa domaćim i inostranim vladinim i nevladinim institucijama, udruženjima i organizacijama ostvari napredak u razvoju obrazovanja, odgoja, mentalnog i fizičkog zdravlja te rasta i razvoja školske djece. Ciljeve ostvaruje kroz aktivnosti Vijeća roditelja osnovnih i srednjih škola Kantona Sarajevo i članova Udruženja.

Član 3.

Djelatnost

Radi ostvarivanja svojih ciljeva Udruženje će obavljati sljedeće djelatnosti:

- Učešće u reformi osnovnog i srednjeg obrazovanja;
- Učešće u izradi i donošenju nastavnog plana i programa;
- Učešće u izradi programa školskih i vanškolskih aktivnosti;
- Učešće u izradi programa školskih i vanškolskih aktivnosti za djecu sa posebnim potrebama,

- Učešće u saradnji škola - roditelj - lokalna zajednica;
- Učešće u saradnji škola – roditelj - druge odgojne institucije;
- Učešće u saradnji škola-roditelj-socijalna i psihološka pomoć;
- Učešće u prevenciji, ranom otkrivanju devijantnog ponašanja djece i mlađih adolescenata;
- Borba za izgradnju novih sportskih objekata za potrebe djece osnovnih i srednjih škola.
- Borba za promociju porodice kao temelja zdravog društva;
- Njegovanje kulture i etike;
- Obavljanje i drugih poslova i zadataka od interesa za Udruženje, a sve u skladu sa Zakonom o udruženjima i fondacijama i ovim Statutom;
- Saradnja sa istim ili sličnim udruženjima;
- Saradnja sa institucijama i drugim organizacijama u zemlji i inostranstvu koje se bave istom ili sličnom djelatnošću.

Član 4. Područje djelovanja

Udruženje svoju djelatnost vrši na teritoriji Kantona Sarajevo.

Član 5. Prijem i isključenje članova

Član udruženja može biti svako lice koje prihvata ciljeve Udruženja i Statut, a čije najmanje jedno dijete pohađa osnovnu ili srednju školu u tekućoj kalendarskoj godini. Članstvo se stiče potpisivanjem pristupnice;

Član može dobrovoljno istupiti iz Udruženja davanjem pismene izjave o istupanju;

Članstvo u Udruženju prestaje prestankom školovanja djece, dužom neaktivnošću člana, za koju ne postoji opravdan razlog ili težim kršenjem Statuta Udruženja;

Odluku o prestanku članstva donosi Skupština, na prijedlog Upravnog odbora i nakon što pruži mogućnost članu da da svoju izjavu neposredno ili preko ovlaštenog predstavnika;

Član 6. Prava i obaveze članova

Član ima pravo da:

- ravnopravno sa drugim članovima učestvuje u ostvarivanju ciljeva Udruženja;
- neposredno učestvuje u odlučivanju na Skupštini, kao i preko organa Udruženja;
- bira i bude biran u organe Udruženja;
- bude blagovremeno i potpuno informisan o radu i aktivnostima Udruženja;

Član je obavezan da:

- aktivno doprinosi ostvarivanju ciljeva Udruženja;
- učestvuje, u skladu sa interesovanjem, u aktivnostima Udruženja;
- obavlja druge poslove koje mu povjeri Upravni odbor u vezi sa ostvarivanjem statutarnih ciljeva Udruženja;

Udruženje može imati počasne članove koji su posebno zaslužni za razvoj Udruženja.

Član 8. Organi Udruženja

Organi Udruženja su Skupština, Upravni odbor, Nadzorni odbor i Arbitražno vijeće.

Član 9. Skupština Udruženja

Skupštinu Udruženja čine po jedan predstavnik roditelja iz svake škole na Kantonu Sarajevo, koji mora biti član Udruženja, a svaki član ima svog zamjenika. U slučaju da su oba predstavnika prisutna imaju pravo na jedan glas, što znači da vijeće roditelja svake škole ima pravo na samo jedan glas.

Skupština se redovno sastaje jednom godišnje.

Vanredna sjednica Skupštine može se zakazati na obrazloženi prijedlog Upravnog odbora, kao i na pismenu inicijativu najmanje jedne trećine članstva.

Član 10. Nadležnosti Skupštine Udruženja

Skupština Udruženja ima nadležnost da:

- donosi plan i program rada;
- usvaja Statut, kao i izmjene i dopune Statuta; usvaja izvještaje koje je pripremio Upravni odbor ili lice ovlašteno za zastupanje i predstavljanje;
- razmatra i usvaja, najmanje jednom godišnje, izvještaj o radu Upravnog odbora;
- razmatra i usvaja finansijski plan i finansijski izvještaj o radu Udruženja;
- bira i razrješava predsjednika i potpredsjednika Skupštine Udruženja,
- bira i razrješava članove Upravnog odbora;
- bira i razrješava članove Nadzornog odbora;
- bira i razrješava članove Arbitražnog vijeća;
- formira komisije;
- proglašava počasne članove;
- odlučuje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama Udruženja;
- odlučuje o raspodjeli imovine Udruženja, za slučaj njegovog prestanka;
- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama udruženja
- odlučuje o svim drugim pitanjima koja nisu u nadležnosti drugih organa Udruženja.

Član 11. Odlučivanje

Skupština punovažno odlučuje ako je prisutna najmanje jedna polovina članstva. Skupština odlučuje prostom većinom glasova prisutnih članova.

Član 12. **Upravni odbor**

Upravni odbor je izvršni organ koji se stara o provođenju ciljeva Udruženja, koji su utvrđeni ovim Statutom i odlukama Skupštine.

Upravni odbor ima 15 članova (9 predstavnika osnovnih i 6 predstavnika srednjih škola), koje bira i opoziva Skupština i od kojih je najmanje jedan član predstavnik roditelja djece sa posebnim potrebama u inkluzivnom okruženju.

Upravni odbor iz reda svojih članova bira predsjednika i zamjenika predsjednika.

Zamjenik predsjednika Upravnog odbora, u slučaju odsustva predsjednika zamjenjuje predsjednika u svim poslovima iz njegove nadležnosti.

Članovi Upravnog odbora biraju se na dvije godine i mogu ponovo biti birani na istu ili druge funkcije.

Član 13. **Nadležnosti Upravnog odbora**

Upravni odbor ima nadležnost da:

- priprema sjednice Skupštine;
- priprema i predlaže nacrt izmjena statuta i drugih akata koje donosi Skupština;
- rukovodi radom Udruženja između sjednica Skupštine i donosi odluke radi ostvarivanja ciljeva Udruženja;
- provodi politiku, zaključke i druge odluke koje je donijela Skupština;
- organizira redovno obavljanje djelatnosti Udruženja;
- bira i razrješava predsjednika i potpredsjednika UO, koji vrše funkciju predsjednika i potpredsjednika Udruženja;
- povjerava posebne poslove pojedinim članovima;
- bira i razrješava sekretara Udruženja;
- upravlja imovinom Udruženja i donosi finansijske odluke;
- bira predstavnike za saradnju sa PPZ-om, Ministarstvom obrazovanja i nauke i drugim organima i nevladinim organizacijama;
- odlučuje o pokretanju postupka za izmjene i dopune Statuta i drugih akata sopstvenom inicijativom ili na prijedlog najmanje trećine članova Udruženja, i priprema prijedlog izmjena i dopuna koji podnosi Skupštini na usvajanje;
- podnosi godišnji ili periodični izvještaj o svome radu Skupštini na usvajanje;
- odlučuje o drugim pitanjima koja nisu u izričitoj nadležnosti Skupštine ili drugog organa, u skladu sa Statutom;
- Vršiti druge poslove određene statutom.
- Upravni odbor punovažno odlučuje ako je prisutno najmanje jedna polovina članova, a odluke donosi većinom glasova prisutnih članova,
- sjednice Upravnog odbora održavaju se najmanje jednom mjesečno;

Član 14. **Nadzorni odbor**

Zamjenik predsjednika Nadzornog odbora, u slučaju odsustva predsjednika, zamjenjuje predsjednika u svim poslovima iz njegove nadležnosti.
Mandat članova Nadzornog odbora je dvije godine i mogu se ponovo birati na istu ili druge funkcije.

Član 15. Nadležnosti Nadzornog odbora

Nadzorni odbor vrši nadzor nad finansijsko-materijalnim poslovanjem Udruženja, podnosi izvještaj Skupštini Udruženja jednom godišnje ili češće na zahtjev predsjednika Skupštine, predsjednika Udruženja, Upravnog odbora ili trećine članova Udruženja. Nadzorni odbor punovažno odlučuje ako je prisutno najmanje dvije trećine članova, a odluke donosi većinom glasova prisutnih članova.

Član 16. Arbitražno vijeće

Arbitražno vijeće arbitrira u slučaju sporova, prekoračenja ovlasti, sukoba interesa, povrede Statuta i drugih akata Udruženja.

Arbitražno vijeće ima 3 člana.

Arbitražno vijeće iz reda svojih Članova bira predsjednika i zamjenika predsjednika;

Zamjenik predsjednika, u slučaju odsustva predsjednika, zamjenjuje predsjednika;

Mandat članova Arbitražnog vijeća je dvije godine i mogu se ponovo birati na istu funkciju.

Član 17. Nadležnosti Arbitražnog vijeća

Arbitražno vijeće:

- arbitrira i donosi prijedlog Skupštini ili Upravnom odboru u slučaju spora članova Udruženja.
 - arbitrira i donosi prijedlog Skupštini u slučaju prekoračenja ovlasti.
 - arbitrira i donosi prijedlog Skupštini u slučaju sukoba interesa.
 - arbitrira i donosi prijedlog Skupštini u slučaju povrede Statuta Udruženja.
 - predlaže Skupštini i Udruženju disciplinske mjere (opomena i isključenje) u slučajevima koji su predviđeni ovim Statutom i drugim aktima Skupštine i njenih organa.
- Arbitražno vijeće punovažno odlučuje ako je prisutno najmanje dvije trećine članova, a odluke donosi većinom glasova prisutnih članova.

Član 18. Sukob interesa

Član Upravnog odbora, Nadzornog odbora i Arbitražnog vijeća, ne može glasati o stvarima u kojima njegovi imovinski interesi, interesi njegovog bračnog druga ili njegovog srodnika do trećeg stepena mogu biti u suprotnosti sa interesima Udruženja, niti u stvarima koje se odnose na pravno lice koje je pod kontrolom dotičnog člana, ili u kojem on ima imovinski interes. Osoba ne može biti u rukovodnim tijelima dva ili više udruženja.

Pravni poslovi iz prethodnog stava moraju se zaključiti po tržišnoj vrijednosti, ili pod uslovima koji su najpovoljniji po Udruženje.

Član 19. Prihodi

Udruženje može stjecati prihode iz sljedećih izvora:

- dobrovoljnih priloga i poklona fizičkih i pravnih lica, kako u gotovini tako i u imovini i uslugama;
- ugovora sa javnim institucijama, fizičkim i pravnim licima;
- drugih izvora u skladu sa važećim zakonima.

Udruženje može osnovati privredne subjekte, u skladu sa zakonom.

Udruženje može obavljati nesrodne privredne djelatnosti (privredne djelatnosti koje nisu neposredno povezane s ostvarivanjem osnovnih statutarnih ciljeva udruženja ili fondacije) samo preko posebno osnovanog pravnog lica.

Dobit koju udruženje ostvari iz nesrodnih privrednih djelatnosti može se upotrijebiti samo za ostvarivanje ciljeva koji se utvrde Statutom i za finansiranje rada Udruženja.

Član 20. Nadzor nad korištenjem sredstava

Skupština je organ koji nadzire zakonito korištenje sredstava Udruženja.

Član 21. Poslovne knjige

Udruženje vodi poslovne knjige, u skladu sa zakonom.

Član 22. Planiranje

Pored godišnjeg finansijskog plana Udruženje može imati i plan namicanja sredstava potrebnih za ostvarivanje statutarnih ciljeva.

Udruženje može imati strateški plan koji se donosi za period od najmanje pet godina.

Planove Udruženja donosi Upravni odbor.

Skupština je obavezna najmanje jednom godišnje usvojiti finansijski izvještaj i izvještaj o radu natpolovičnom većinom, a izvještaje priprema i Skupštini dostavlja Upravni odbor.

Član 23 Pečat i štambilj

Udruženje ima svoj pečat i štambilj.

Pečat udruženja je okruglog oblika promjera 4 cm na kojem piše latinicom i ćirilicom: Udruženje "Vijeće roditelja Kantona Sarajevo", na bosanskom jeziku.

Štambilj Udruženja je pravougaonog oblika i sadrži naziv Udruženja., oznaku za djelovodni broj i oznaku za datum.

Član 24. Znak Udruženja

Član 25.
Zastupanje i predstavljanje

Predsjednik Upravnog odbora zastupa Udruženje u pravnom prometu s trećim licima.

Predsjednik Upravnog odbora predstavlja Udruženje u javnosti.

U postupcima u kojima Udruženje učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik Upravnog odbora može dati pismenu punomoć za zastupanje advokatu ili drugom stručnom licu. Mandat lica za zastupanje i predstavljanje je dvije godine s pravom reizbora.

Član 26.
Izvještavanje i javnost rada

Upravni odbor se stara o redovnom obavještanju članstva i javnosti o radu i aktivnostima udruženja, neposredno ili putem internih publikacija, putem saopćenja za javnost ili na Web sajtu.

Član 23.

Saradnja

Radi ostvarenja svojih ciljeva, Udruženje uspostavlja kontakte i saraduje sa drugim stručnim, naučnim, obrazovnim i sličnim udruženjima i organizacijama u zemlji i inostranstvu.

Udruženje može pristupiti drugim domaćim, stranim ili međunarodnim udruženjima ili asocijacijama udruženja, koja obavljaju istu ili sličnu statutarnu djelatnost, o čemu odluku donosi Skupština.

Udruženje može, zajedno sa drugim domaćim, stranim ili međunarodnim udruženjem ili kakvim sličnim organizacionim oblikom zajednički obavljati statutarnu aktivnost putem zajedničkog projekta ili na drugi pogodan način.

Odluku o saradnji iz prethodnog stava donosi Upravni odbor.

Sarajevo, 21. 12. 2012.